



Broj: 150-15-4-1810-15 /21 SAK
Sarajevo, 11.11. 2021. godine

Na osnovu člana 70. stav (1) i (3) i člana 72. stav (3) alineja c) Zakona o javnim nabavkama («Službeni glasnik BiH», 39/14), člana 50. stav (1) Pravilnika Centralne banke Bosne i Hercegovine, broj: UV-104-01-1-116/15 od 28. decembra 2015. godine, broj: UV-122-01-1-1045-11/21 od 28. aprila 2021. godine i broj: UV-104-01-1-1425-15/21 od 29. juna 2021. godine, člana 13. stav (2) tačka b), člana 45. stav (2) Pravilnika o javnim nabavkama Centralne banke Bosne i Hercegovine, broj: UV-150-01-1-1467-3/20 od 27. jula 2020. godine i saglasnosti Upravnog vijeća Centralne banke Bosne i Hercegovine sa 14. sjednice od 27. oktobra 2021. godine, guverner Centralne banke Bosne i Hercegovine, donosi

ODLUKU

o izboru drugorangiranog ponuđača u postupku javne nabavke robe – materijal za trezorsko i ostalo poslovanje za potrebe Centralne banke Bosne i Hercegovine – Glavne jedinice Sarajevo – lot 4

Član 1.

Centralna banka Bosne i Hercegovine (u daljem tekstu: Centralna banka) ugovor za nabavku robe – materijal za trezorsko i ostalo poslovanje za potrebe Centralne banke Bosne i Hercegovine – Glavne jedinice Sarajevo – lot 4, putem otvorenog postupka, na period od dvije godine, dodjeljuje drugorangiranom ponuđaču R&S d.o.o. Sarajevo, u svemu prema ponudi broj: 26877/21 od 30.09.2021. godine i Izvještaju o toku i završetku e-aukcije.

Član 2.

Prema Izvještaju o toku i završetku e-aukcije, ponuda ponuđača iz člana 1. ove odluke iznosi:

24.770,80 KM bez uračunatog PDV-a

(slovima: dvadesetčetirihiljadestotinasedamdeset konvertibilnih maraka i 80/100),

odnosno

28.981,84 KM sa uračunatim PDV-om

(slovima: dvadesetosamhiljadadevetstotinaosamdesetjedna konvertibilna marka i 84/100).

Član 3.

(1) Centralna banka će, po sticanju uslova za zaključenje ugovora po osnovu Zakona o javnim nabavkama, s izabranim ponuđačem iz člana 1. ove odluke zaključiti okvirni sporazum za čije se izvršenje zadužuje Centralna banka Bosne i Hercegovine – Glavna jedinica Sarajevo (u daljem tekstu: Glavna jedinica Sarajevo).

(2) Ovom odlukom se stavlja van snage Odluka o izboru najpovoljnijeg ponuđača, broj: UV-150-01-1-2090-7/21 SAK od 02.11.2021. godine.

Član 4.

Centralna banka će o rezultatima provedenog postupka javne nabavke obavijestiti ponuđače.

Član 5.

Za realizaciju ove odluke zadužuju se Glavna jedinica Sarajevo, Odjeljenje za javne nabavke i Odjeljenje za računovodstvo i finansije Centralnog ureda Centralne banke Bosne i Hercegovine.

Član 6.

Ova odluka će se objaviti na web stranici Centralne banke www.cbbh.ba, istovremeno s upućivanjem obavještenja ponuđačima koji su učestvovali u postupku javne nabavke, u skladu s članom 70. stav 6. Zakona o javnim nabavkama („Službeni glasnik BiH“, broj: 39/14).

O b r a z l o ž e n j e

Postupak javne nabavke robe – materijal za trezorsko i ostalo poslovanje za potrebe Centralne banke Bosne i Hercegovine – Glavne jedinice Sarajevo – lot 4, pokrenut je Odlukom o pokretanju postupka javne nabavke robe – kancelarijski materijal za potrebe Centralne banke Bosne i Hercegovine, putem otvorenog postupka, broj: 150-15-4-1810-3/21 SAK od 10.09.2021. godine. U skladu s tim, Centralna banka je 15.09.2021. godine na portalu javnih nabavki objavila obavještenje o nabavci broj: 1370-1-1-419-3-257/21. U predviđenom roku za prijem ponuda, odnosno do 30.09.2021. godine za lot 4 blagovremeno su dostavljene ponude ponuđača:

1. SVJETLOSTKOMERC D.D. SARAJEVO i
2. R&S d.o.o. SARAJEVO.

Komisija za provođenje postupka javne nabavke je izvršila pregled i ocjenu dostavljenih ponuda i konstatovala da pristigle ponude zadovoljavaju sve uslove tražene tenderskom dokumentacijom, te je zakazana e-aukcija za dan 07.10.2021. godine sa početkom u 11:15 sati.

U skladu sa kriterijem najniže cijene i Izvještajem o toku i završetku e – aukcije, Komisija je, svojim Zapisnikom o pregledu i ocjeni ponuda broj: 149-15-4-1978-7/21 od 12.10.2021. godine i Izvještajem o radu komisije sa preporukom, broj: 149-15-4-1978-8/21 od 12.10.2021. godine, dala preporuku da se ugovor za nabavku robe –materijal za trezorsko i ostalo poslovanje za potrebe Centralne banke Bosne i Hercegovine – Glavne jedinice Sarajevo – lot 4, dodjeli ponuđaču SVJETLOSTKOMERC d.d. Sarajevo, sa cijenom ponude, nakon provedene e-aukcije, u iznosu od 20.444,00 KM, bez uračunatog PDV-a.

Centralna banka je u skladu sa preporukom komisije donijela Odluku o izboru najpovoljnijeg ponuđača, broj: UV-150-01-1-2090-7/21 SAK od 02.11.2021. godine, kojom je ponuđaču SVJETLOSTKOMERC d.d. Sarajevo dodijeljen ugovor za nabavku robe – materijal za trezorsko i ostalo poslovanje za potrebe Centralne banke Bosne i Hercegovine – Glavne jedinice Sarajevo – lot 4.

Izabrani ponuđač, SVJETLOSTKOMERC d.d. Sarajevo, je pismeno, dana 08.11.2021. godine, dostavio obavještenje Centralnoj banci, iz kojeg se jasno može zaključiti da navedeni ponuđač odbija dodjelu ugovora.

U skladu sa odredbama člana 72. stav (3) alineja c) Zakona o javnim nabavkama («Službeni glasnik BiH», 39/14), odlučeno je kao u dispozitivu.

Pouka o pravnom lijeku:

Protiv ove odluke može se u pisanoj formi uložiti žalba Centralnoj banci Bosne i Hercegovine u roku od 10 dana od dana prijema ove odluke.

Dostaviti:

- učesnicima u postupku (original)
- guverneru
- viceguvernerima
- predsjedniku i članovima komisije
- Uredu glavnog internog revizora
- sekretaru Uprave i Upravnog vijeća
- Odjeljenju za računovodstvo i finansije (original)
- Odjeljenju za javne nabavke (original)
- Glavnoj jedinici Sarajevo
- u spis predmeta (original)
- arhiva



GUVERNER
dr. Senad Softić